

ԱՐԱՐԱՏԻ ՄԱՐԶԻ ՄԱՍԻՍ ՀԱՄԱՅՆՔԻ

2025 ԹՎԱԿԱՆԻ ԲՅՈՒՋԵԻ

ԾԱԽՍԵՐԻ ԾՐԱԳՐԻ ՀԻՄՆԱՎՈՐՈՒՄ

Մասիս համայնքի 2025 թվականի բյուջեի հաստատման որոշման նախագիծը մշակվել է հիմք ընդունելով Մասիս համայնքի 2022-2026թթ զարգացման ծրագիրը, 2025-2027թթ միջնաժամկետ ծախսերի ծրագիրը և առաջնորդվելով «Տեղական ինքնակառավարման մասին» և «Հայաստանի Հանրապետության բյուջետային համակարգի մասին» օրենքների պահանջներին համապատասխան, որի ձևավորման հիմքում ընկած է հաշվետվողականությունը, հաշվեկշռվածությունը, թափանցիկությունը և հստակությունը:

Մասիս համայնքի 2025 թվականի բյուջեն ծրագրվել է՝

- *եկամուրների մասով՝ 7 536 205,0 հազար դրամ*
- *ծախսերի մասով՝ 7 536 205,0 հազար դրամ*

որից՝

վարչական մասի եկամուրներ՝ 5 936 205,0 հազար դրամ /նույն թվում պահուստային ֆոնդից հատկացում ֆոնդային մաս՝ 900 000,0 հազար դրամ/

վարչական մասի ծախսեր՝ 5 936 205,0 հազար դրամ

ֆոնդային մասի մուտքեր՝ 1 600 000,0 հազար դրամ

ֆոնդային մասի ծախսեր՝ 1 600 000,0 հազար դրամ

1. Եկամուտների կանխատեսում.

Մասիս համայնքի 2025 թվականի բյուջեի վարչական մասի եկամուտները կանխատեսվում է 5 936 205,0 հազար դրամ, որը գերազանցում է նախորդ տարվա պլանավորված ցուցանիշին 1 020 579,2 հազար դրամով կամ 20,8 %-ով:

Նախատեսված եկամուտների ընդհանուր ծավալում սեփական եկամուտները կազմում են 2 282 438,0 հազար դրամ կամ 38,4 %, 61,6 %-ը կամ 3 653 767,0 հազար դրամը բաժին է ընկել պաշտոնական դրամաշնորհներին:

Նախագծով նախատեսված եկամուտների հիմնավորումը և համեմատական վերլուծությունը առավել հստակ կլինի դրանք առանձին եկամտատեսակների տեսքով ներկայացման պարագայում: Մասնավորապես.

1.1/ Հարկեր և տուրքեր.

Հարկային եկամուտները կանխատեսվել են 1 695 736,0 հազար դրամի չափով կամ 2024 թվականի համար հաստատված ցուցանիշից 421 203,2 հազար դրամով կամ 33,0 %-ով ավելի:

Փոխադրամիջոցի գույքահարկի գծով նախատեսվում է հավաքագրել 1 027 575,8 հազար դրամ, որը 2024 թվականի հաստատված ցուցանիշի նկատմամբ աճել է 300 724,4 հազար դրամով կամ 41,4 %-ով:

Տեղական տուրքերի գծով նախատեսվել են 164 266,65 հազար դրամի մուտքեր, 2024 թվականին նախատեսված 88 504,4 հազար դրամի դիմաց կամ 75 762,25 հազար դրամով կամ 85,6 %-ով ավելի:

Համայնքի բյուջե վճարվող պետական տուրքերը 2025 թվականի համար նախագծով ծրագրվել է 21 000,0 հազար դրամ, 2024 թվականի հաստատված ցուցանիշից 1 000,0 հազար դրամով կամ 5,0 %-ով ավելի, որից

- Քաղաքացիական կացության ակտեր գրանցելու հետ կապված համապատասխան գործարքներից՝ 4 500,0 հազար դրամ
- Նոտարական գրասենյակների կողմից նոտարական ծառայությունների հետ կապված գործարքներից՝ 16 500,0 հազար դրամ:

1.2/ Պաշտոնական դրամաշնորհներ.

Հիմք ընդունելով Հայաստանի հանրապետության 2025 թվականի պետական բյուջեի նախագծով նախատեսված ցուցանիշները՝ 2025 թվականին ծրագրվել է 3 649 768,6 հազար դրամի չափով պաշտոնական դրամաշնորհ, որը 2024 թվականի հաստատված բյուջեից ավելի է 541 228,5 հազար դրամով կամ 17,4 %-ով, ընդ որում.

- Հայաստանի հանրապետության պետական բյուջեից ֆինանսական համահարթեցման սկզբունքով տրամադրվող դոտացիան նախատեսվել է 3 646 718,6 հազար դրամ:
- Պետական բյուջեից ընթացիկ ծախսերի ֆինանսավորման նպատակային հատկացումների (սուբվենցիաների) գծով նախատեսվել է 3 050,4 հազար դրամ՝ երաժշտական դպրոցների ազգային, լարային նվագարանների ուսուցման ծախսերի փոխհատուցման նպատակով:

1.3/ Այլ եկամուտներ.

Այլ եկամուտները 2025 թվականին ծրագրվել են 569 700,0 հազար դրամ՝ 2024 թվականի բյուջեով նախատեսված 505 211,3 հազար դրամի դիմաց, որը 64 488,65 հազար դրամով կամ 9,0 %-ով ավելի է նախորդ տարվանից:

- Համայնքի սեփականություն հանդիսացող հողերի և գույքի վարձակալությունից ակնկալվող եկամուտները 2025 թվականի համար նախատեսվել է 59 489,5 հազար դրամ՝ նախորդ տարվա հաստատված ցուցանիշից 19 359,8 հազար դրամով ավելի:
- Տեղական վճարների գծով նախատեսված ցուցանիշը ներառում է նաև աղբահանության վճարը, որը ծրագրվել է 201 442,0 հազար դրամի չափով 2024 թվականի նույն ցուցանիշից 33 392,0 հազար դրամով կամ 19,9 %-ով ավելի:
- Համայնքի տարածքում ճարտարապետաշինարարական նախագծային փաստաթղթերով նախատեսված աշխատանքներն ավարտելուց հետո ավարտը ավարտական ակտով փաստագրման ձևակերպման համար և

շահագործման թույլտվության ձևակերպման համար ծառայությունների դիմաց փոխհատուցման վճարը՝ 20 000,0 հազար դրամ:

- Համայնքի կողմից մրցույթների և աճուրդների կազմակերպման հետ կապված ծախսերի փոխհատուցման համար մասնակիցներից վճարների գծով ծրագրվել է 2 800,0 հազար դրամի մուտքեր:
- Համայնքային ենթակայության մանկապարտեզների ծառայություններից օգտվողների համար նախատեսվել է՝ 177 760,0 հազար դրամ, համայնքային ենթակայության արտադարձական դաստիարակության հաստատությունների (երաժշտական և նկարչական) ծառայություններից օգտվողների համար՝ 20 110,45 հազար դրամ ծառայության վճար:
- Անասնաբույժի ծառայության դիմաց վճար՝ 100,0 հազար դրամ:
- Համայնքի վարչական տարածքում ինքնակամ կառուցված շենքերի և շինությունների օրինականացման վճարների գծով ծրագրվել է 60 000,0 հազար դրամ՝ 2024 թվականին հաստատված ցուցանիշից 15 000,0 դրամի չափով ավելի, որն էլ իր հերթին պայմանավորված է օրինականացման համար դիմումների բավականին մեծ ծավալով:
- Այլ տեղական վճարներ՝ 2 000,0 հազար դրամ:
- Վարչական իրավախախտումների համար պատասխանատվության միջոցների կիրառումից եկամուտների գծով նախատեսվել է 10 000,0 հազար դրամ՝ նախորդ տարվա 4 000,0 հազար դրամի դիմաց:
- Բնակչության հատուկ սպասարկումից մուտքերը կանխատեսվել է 12 000,0 հազար դրամ:
- Պետության կողմից տեղական ինքնակառավարման մարմիններին պատվիրակված լիազորությունների իրականացման ծախսերի ֆինանսավորման համար պետական բյուջեից ստացվող միջոցներ՝ 3 998,0 հազար դրամ:
- Նախատեսվում է նաև բյուջեի վարչական մասի պահուստային ֆոնդից հատկացումներ ֆոնդային բյուջե 2025 թվականին 900 000,0 հազար դրամ

կամ վարչական բյուջեի եկամուտների 15,2 %-ի չափով կապիտալ ծախսերի ֆինանսավորման նպատակով:

2. Ծախսային ծրագրեր.

Մասիս համայնքի 2025 թվականի ծախսերը ծրագրվել են՝ 7 536 205,0 հազար դրամի չափով:

2025 թվականի ծախսերի ամբողջ ծավալի 78,8 %-ը կամ 5 936 205,0 հազար դրամը բաժին է ընկնում ընթացիկ ծախսերին (ներառված չէ բյուջեի վարչական մասի պահուստային ֆոնդից կապիտալ ծախսերին հատկացումները), 21,2 %-ը կամ 1 600 000,0 հազար դրամը՝ ոչ ֆինանսական ակտիվների գծով ծախսերին (բյուջեի ֆոնդային մաս):

Մասիս համայնքի 2025 թվականի ծախսերի ծրագրում կապիտալ ելքերից են հանդիսանում օրենսդիր և գործադիր մարմիններ՝ 560,0 հազար դրամ, ընդհանուր բնույթի հանրային ծառայությունների մասով 576 690,0 հազար դրամ կամ ընդհանուր ծրագրի 36,0 %-ը: Մասիս համայնքի բնակավայրերի ոռոգման համակարգերի կառուցման և հիմնանորոգման համար նախատեսվում է 80 000,0 հազար դրամ կամ ընդհանուր ծրագրի 5,0 %-ը, ճանապարհների ասֆալտապատման, խճապատման աշխատանքների ծախսը ծրագրվում է 318 000,0 հազար դրամ կամ ընդհանուր ծրագրի 19,9 %-ը, բնակարանային շինարարության ոլորտում նախատեսված է 17 000,0 հազար դրամ կամ ընդհանուր ծրագրի 1,1 %-ը, համայնքային զարգացման ծրագրերին նախատեսվում է հատկացնել 40 000,0 հազար դրամ կամ ընդհանուր ծրագրի 2,5 %-ը, համայնքում ջրամատակարարման աշխատանքներին նախատեսվում է հատկացնել 30 000,0 հազար դրամ կամ ընդհանուր ծրագրի 1,9 %-ը, փողոցների լուսավորման համակարգի կառուցման, ընդլայնման համար նախատեսվում է 100 000,0 հազար դրամ կամ ընդհանուր ծրագրի 6,3 %-ը, հանգստի և սպորտի ծառայությունների մասով նախատեսվում է 30 000,0 հազար դրամ կամ ընդհանուր ծրագրի 1,9 %-ը, համայնքում առկա մշակույթի տների հիմնանորոգման աշխատանքների համար նախատեսվել է 100 340,0 հազար դրամ կամ ընդհանուր ծրագրի 6,3 %-ը, համայնքի ենթակայության տակ գտնվող նախադպրոցական հաստատությունների հիմնանորոգման և

կառուցման համար նախատեսվում է 306 500,0 հազար դրամ կամ ընդհանուր ծրագրի 19,1 %-ը, արտադարձական դաստիարակություն ծրագրով նախատեսվել է 910,0 հազար դրամ:

Ծրագրով նախատեսվել է պահուստային ֆոնդ 2025 թվականի համար 1 180 000,0 հազար դրամի չափով, որից հատկացումը ֆոնդային մաս կազմում է 900 000,0 հազար դրամ, որն ամբողջությամբ ուղղվելու է բյուջեի ֆոնդային մասի ծախսերին:

1. Օրենսդիր և գործադիր մարմինների պահպանում ծրագրով ծախսերը ծրագրվել են հիմնականում հաշվի առնելով նախորդ և ընթացիկ տարվա ծախսերը: Այս ծրագրով նախագծում 2025 թվականին ծախսեր են նախատեսվել 1 297 520,0 հազար դրամ կամ ընդհանուր ծախսերի շուրջ 17,2 %-ը: Նշված ծրագրով նախատեսված ծախսերում էական տեսակարար կշիռ է կազմում աշխատավարձի ֆոնդը՝ 845 698,0 հազար դրամ: Աշխատավարձի ֆոնդի հաշվարկն իրականացվել է Մասիս համայնքի ավագանու 2024 թվականի նոյեմբերի 22-ի N 337-Ա որոշմամբ հաստատված հաստիքացուցակի հիման վրա: Պարգևատրման ֆոնդը նախատեսվել է 275 000,0 հազար դրամ: Էներգետիկ ծառայությունները ներառում են էլեկտրոէներգիայի և ջեռուցման ծախսերը, որոնք հաշվարկվել են հիմք ընդունելով նախորդ տարիների փաստացի ծախսերի ծավալների միջին ցուցանիշները, մասնավորապես, այս հոդվածով 2025 թվականին նախատեսվել է 52 000,0 հազար դրամ: Կոմունալ ծառայությունները ներառում են ջրամատակարարման և ջրահեռացման, ինչպես նաև վարչական շենքերի միջատազերծման հետ կապված ծախսերը և ծրագրվել են 6 500,0 հազար դրամի չափով: Կապի ծառայությունները ներառում են քաղաքային հեռախոսակապի, բջջային կապի, ինտերնետային և փոստային ծառայությունները: Բյուջետային ծախսերի տնտեսագիտական դասակարգման այս հոդվածը ներառող բոլոր ծառայությունների համար ընդհանուր նախատեսվել է 10 202,0 հազար դրամ: Ապահովագրական ծախսերը նախատեսվել են 2 200,0 հազար դրամի չափով՝ հիմք ընդունելով «Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի պահանջները, սահմանված գները և Մասիսի համայնքապետարանում հաշվառված մեքենաների քանակը: Ներքին գործուղումների գծով ծախսերի համար նախատեսվել է 500,0 հազար դրամ, իսկ Արտասահմանյան գործուղումների գծով՝ հիմք ընդունելով ՀՀ կառավարության 2005 թվականի դեկտեմբերի 29-ի «Ծառայողական գործուղման մեկնած աշխատողների գործուղման ծախսերի հատուցման համար կատարվող վճարումների նվազագույն և առավելագույն չափերն ու վճարման կարգը սահմանելու մասին» N 235-Ն որոշմամբ

սահմանված նորմերը, ինչպես նաև ընթացիկ տարվա փաստացի ծախսերը, 2025 թվականին նախատեսվել է 3 000,0 հազար դրամ հաշվի առնելով կանխատեսվող գործուղումների քանակը: **Համակարգչային ծառայությունների** գծով ծրագրվել է 2 210,0 հազար դրամ՝ համակարգչային կառավարման տեղեկատվական համակարգերի սպասարկման, ինտերնետային կայք էջի սպասարկման և հաշապահական հաշվառման ծրագրի սպասարկման համար: **Աշխատակազմի մասնագիտական զարգացման ծառայությունների** համար նախատեսվել է 1 200,0 հազար դրամ: Թերթերի և ամսագրերի ձեռքբերման համար՝ 250,0 հազար դրամ: **Ներկայացուցչական ծախսերի** գծով ծրագրվել է 7 500,0 հազար դրամ: **Ընդհանուր բնույթի ծառայությունների** գծով նախատեսվել է 8 400,0 հազար դրամ՝ փաստաթղթերի արխիվացման, կարման և կազմման, համակարգչային, հեռախոսային և կոնֆերենց համակարգերի սպասարկման, ինչպես նաև ընդհանուր բնույթի այլ ծառայությունների համար: **Մասնագիտական ծառայությունների** գծով նախատեսվել է 1 400,0 հազար դրամի չափով ծախս՝ հիմնականում համայնքապետարանի և վարչական նստավայրերի ջեռուցման համակարգերի հակահրդեհային ծառայության և գազասպառման համակարգերի տեխնիկական սպասարկման ծառայության համար: **Շենքերի և կառույցների ընթացիկ նորոգման և պահպանման** գծով ծրագրվել է 8 000,0 հազար դրամ՝ համայնքապետարանի և վարչական նստավայրերի վարչական շենքերի ընթացիկ նորոգման համար: **Մեքենաների և սարքավորումների ընթացիկ նորոգման և պահպանման** գծով ծրագրվել է 19 500,0 հազար դրամ՝ որը ներառում է համայնքապետարանի ավտոմեքենաների, գույքի, համակարգչային տեխնիկայի և այլ սարքավորումների ընթացիկ նորոգումը և պահպանումը: **Գրասենյակային նյութեր և հագուստ** հոդվածով ծախսերը ծրագրվել են 11 900,0 հազար դրամ, որը նախատեսվել է հաշվի առնելով գործունեության համար անհրաժեշտ գրասենյակային նյութերը: **Տրանսպորտային նյութերը** ծրագրվել են 25 000,0 հազար դրամի չափով, որը նախատեսված է համայնքին պատկանող շահագործվող ավտոմեքենաների, ինչպես նաև որոշ բաժինների առանձնահատկություններով պայմանավորված աշխատակիցների անձնական ավտոմեքենաների ծառայողական նպատակներով օգտագործմանը հատկացվող վառելիքի համար: **Կենցաղային և հանրային սննդի ծառայությունների** գծով նախատեսվել է 4 000,0 հազար դրամ, որը հիմնականում նախատեսվում է տնտեսական ապրանքների ձեռք բերման նպատակով: **Հափուկ նպատակային այլ նյութերի** գծով ծրագրվել է 3 500,0 հազար դրամ: **Այլ նպաստներ բյուջեից** հոդվածով նախատեսվել է 8 000,0 հազար դրամ, որպես դրամական փոխհատուցում Մասիս համայնքի ավագանու անդամներին: **Պարտադիր վճարների**

գծով՝ համայնքի հաշվեկշռում հաշվառված ավտոմեքենաների տեխնիկական զննման ծախսերի և տուրքերի վճարման համար ծրագրվել է 1 000,0 հազար դրամ:

2. Քաղաքացիական կացության ակտերի գրանցման ծառայության գործունեության կազմակերպման (պատվիրակված լիազորություններ) ծրագրով նախատեսվել է 5 005,0 հազար դրամ ՔԿԱԳ-ի պահպանման ծախս, որի համար պետական բյուջեից որպես պատվիրակված լիազորության ծառայության իրականացման համար ծախսերի փոխհատուցում՝ հատկացումները կազմում է 3998,0 հազար դրամ:

3. Ընդհանուր բնույթի այլ ծառայություններ ծրագրով նախատեսվել է 6 924,0 հազար դրամ համայնքների եկամուտների կառավարման էլեկտրոնային համակարգի տեխնիկական սպասարկման համար:

4. Ընդհանուր բնույթի հանրային ծառայությունների ծրագրով նախատեսվել է 1 476 897,7 հազար դրամ, որը նախատեսված է համայնքի բոլոր բնակավայրերում տեղադրված տեսախցիկների անխափան աշխատանքն ապահովելու նպատակով ինտերնետ կապի ծառայության համար 3 000,0 հազար դրամ, քաղաքացիների սպասարկման գրասենյակի հերթագրման սարքի ծրագրային սպասարկման համար՝ 504,0 հազար դրամ, լրատվական ծառայությունների ձեռք բերման համար՝ 4 000,0 հազար դրամ, ամանորյա տոնական լուսավորման համար՝ 10 000,0 հազար դրամ, քաղաքի գլխավոր տոնաձառի մոնտաժման և ապամոնտաժման համար՝ 1 000,0 հազար դրամ, տրանսպորտային ծառայությունների համար՝ 12 000,0 հազար դրամ, ուսանողներին տեղափոխող տրանսպորտային ծառայության համար 60 000,0 հազար դրամ, համայնքում առկա տեսադիտման սարքերի կարգաբերման ծառայության սպասարկման համար՝ 7 000,0 հազար դրամ, նոտարական ծախսերի համար՝ 3 000,0 հազար դրամ, պահնորդական ծառայության համար՝ 4 300,0 հազար դրամ, ընդհանուր բնույթի այլ ծառայությունների համար՝ 469 911,7 հազար դրամ: Համայնքի սեփականություն հանդիսացող հողերի քարտեզագրման, չափագրման ծառայությունների համար՝ 20 000,0 հազար դրամ, համայնքի սեփականություն հանդիսացող գույքի գնահատման համար՝ 2 000,0 հազար դրամ, քաղաքի թարմացված քարտեզի ձեռք բերման համար՝ 5 500,0 հազար դրամ, համայնքային սեփականության շենքերի, շինությունների սեյսմիկ

հետազոտության համար՝ 1 000,0 հազար դրամ: Զորակոչի և զորահավաքի ժամանակ համայնքի կողմից զորակոչիկներին առաջնային անհրաժեշտության պարագաների տրամադրման համար 8 000,0 հազար դրամ, տոնական և հիշատակի օրերի և այլ դեպքերի համար նախատեսվել է ծաղկեպսակների և ծաղկային կոմպոզիցիաների ձեռք բերմանը՝ 3 000,0 հազար դրամ, համայնքում ամանորյա տոնական լուսավորման համար նախատեսվել է 30 000,0 հազար դրամ, դրոշների ձեռք բերման համար՝ 2 000,0 հազար դրամ: «Մասիսի կոմունալ տնտեսություն և բնակչության հատուկ սպասարկում» ՀՈԱԿ-ին նախատեսված է հատկացնել դրամաշնորհ 129 000,0 հազար դրամի չափով ՀՈԱԿ-ի պահպանման ծախսերի համար և համայնքի վարչական տարածքում գտնվող համայնքային ենթակայության շենքերի և կառույցների ընթացիկ նորոգման համար՝ 74 000,0 հազար դրամի չափով սուբսիդիա: Հայաստանի համայնքների միավորմանը անդամավճար՝ 920,0 հազար դրամ, նվիրատվություն Մասիսի ՏՏ զարգացման հիմնադրամին՝ 41 472,0 հազար դրամ, այլ հարկեր՝ 100,0 հազար դրամ, պարտադիր վճարներին՝ համայնքի սեփականություն հանդիսացող գույքի իրավունքի գրանցման և դատական հայցադիմումների համար 8 500,0 հազար դրամ, վարչական սարքավորումների ձեռք բերման համար՝ 560 690,0 հազար դրամ, այլ սարքավորումների ձեռք բերման համար՝ 16 000,0 հազար դրամ:

5. Գյուղատնտեսության ոլորտում անասնաբույժներին աշխատավարձ՝ 28 800,0 հազար դրամ, արտեզյան հորերի պոմպերի էներգետիկ ծախսերի համար՝ 18 000,0 հազար դրամ, հակակարկտային կայանի սպասարկման համար՝ 2 000,0 հազար դրամ, ագրոքիմիական քարտեզագրման աշխատանքների համար՝ 500,0 հազար դրամ

6. Ոռոգման ցանցի կառուցում և վերանորոգում ծրագրով 2025 թվականին նախատեսվել է 80 000,0 հազար դրամ՝ որը կուղղվի Մասիս համայնքի բնակավայրերում ոռոգման ցանցերի կառուցման և հիմնանորոգման աշխատանքներին:

7. Ճանապարհների վերանորոգում, բարեկարգում և պահպանում ծրագրով 2025 թվականին նախատեսվել է ճանապարհների ընթացիկ նորոգման համար՝ 30 000,0 հազար դրամ, համայնքի ճանապարհների ասֆալտապատման աշխատանքների համար՝

318 000,0 հազար դրամ, որի արդյուքում համայնքը կունենա առավել բարեկարգ ճանապարհներ:

8. Աղբահանություն և սանիտարական մաքրում ծրագրին 2025 թվականին նախատեսվել է 414 321,0 հազար դրամ՝ աղբահանության վճարների հավաքագրումն իրականացնող պայմանագրային աշխատողների աշխատավարձի, աղբահանության վճարների հաշվառման և հավաքագրման ծրագրի սպասարկման, և Մասիս համայնքի աղբահանության, չնախատեսված վայրերից աղբի հեռացման և սանիտարական մաքրման համար:

9. Շրջակա միջավայրի պաշտպանություն ծրագրով 2025 թվականին նախատեսվել է 60 882,3 հազար դրամ համայնքի կանաչապատ տարածքների խնամքի և համայնքում թափառող կենդանիների վնասազերծումը կազմակերպելու համար:

10. Բազմաբնակարան շենքերի տանիքների և նկուղների վերանորոգում ծրագրերով 2025 թվականին նախատեսվել է 17 000,0 հազար դրամ՝ շենքերի էներգոարդյունավետ արդիականացման համար:

11. Համայնքային զարգացում ծրագրով նախատեսվել է 40 000,0 հազար դրամ՝ մասնակցային բյուջետավարման համար:

12. Ջրամատակարարում ծրագրով 2025 թվականին նախատեսվել է 30 000,0 հազար դրամ համայնքի բնակավայրերում ջրագծերի կառուցման համար:

13. Արտաքին լուսավորության ցանցի շահագործման և պահպանման աշխատանքներ ծրագրով 2025 թվականին նախատեսվել է 285 000,0 հազար դրամ արտաքին լուսավորության ցանցի պահպանման և ընդլայնման համար, որից արտաքին լուսավորության ցանցի էներգետիկ ծախսերի համար՝ 150 000,0 հազար դրամ, ցանցի սպասարկման պահպանման համար 35 000,0 հազար դրամ և վարչական բնակավայրերում լուսավորության ցանցի ընդլայնման համար՝ 100 000,0 հազար դրամ:

14. Առողջապահություն ծրագրով նախատեսվել է 5 000,0 հազար դրամ համայնքում գործող բուժամբուլատորիաներին աջակցելու համար:

15. Հանգստի և սպորտային միջոցառումների կազմակերպում ծրագրով 2025 թվականին նախատեսվել է 50 000,0 հազար դրամ, որից համայնքում առկա այգիների և

խաղահրապարակների նստարանների ընթացիկ նորոգման համար 3 000,0 հազար դրամ, սպորտային միջոցառումների համար նյութերի ձեռք բերում՝ 2 000,0 հազար դրամ, սպորտի բնագավառում տարվա ընթացքում լավագույն ցուցանիշներ ձեռք բերած մարզիկներին և մարզիչներին պարգևատրելու համար 15 000,0 հազար դրամ:

16. Գրադարանային ծառայություններ ծրագրով 2025 թվականին նախատեսվել է 60 000,0 հազար դրամ „Մասիսի քաղաքային կենտրոնական գրադարան ՀՈԱԿ,-ին սուբսիդիա տրամադրելու համար:

17. Մշակույթի տներ ծրագրով 2025 թվականին նախատեսվել է 100 340,0 հազար դրամ համայնքի տարբեր բնակավայրերում մշակույթի տների հիմնանորոգման համար:

18. Այլ մշակութային միջոցառումների կազմակերպում ծրագրով 2025 թվականին նախատեսվել է 127 000,0 հազար դրամ, որը նպաստելու է համայնքում մշակութային կյանքի զարգացմանն ուղղված միջոցառումների անցկացմանը :

19. Կրոնական և հասարակական այլ ծառայություններ ծրագրով 2025 թվականին նախատեսվել է 4 000,0 հազար դրամ:

20. Նախադպրոցական ուսուցում ծրագրով 2025 թվականին նախատեսվել է 1 506 500,0 հազար դրամ, որից համայնքում գործող թվով 27 նախադպրոցական հիմնարկներ հաճախող գրեթե 2594 երեխաների պահպանման ծախսերին կհատկացվի սուբսիդիա 1 200 000,0 հազար դրամ, բյուջեից հատկացումները նախատեսվել են հաշվի առնելով երեխայի սննդի նորմատիվի պահպանումը: 2025 թվականին ծրագրվում է նաև համայնքում գործող մի շարք մանկապարտեզների կառուցում և հիմնանորոգում, որի համար նախատեսվել է՝ 300 000,0 հազար դրամ, ինչպես նաև 6 500,0 հազար դրամ մանկապարտեզներին այլ մեքենա սարքավորումների ձեռք բերման համար:

21. Միջնակարգ կրթության ծրագրով 2025 թվականին նախատեսվում է 45 805,0 հազար դրամ՝ համայնքում գործող հանրակրթական դպրոցներին աջակցություն տալու նպատակով:

22. Արտադպրոցական դաստիարակություն ծրագրով 2025 թվականին նախատեսվել է 270 910,0 հազար դրամ: Ծրագիրը ներառում է համայնքի ենթակայության

երաժշտական, սպորտի, մանկապատանեկան ստեղծագործական կենտրոնի և գեղարվեստի դպրոցների սուբսիդավորումը:

23. Սոցիալական հատուկ արտոնություններ ծրագրով 2025 թվականին նախատեսվում է 75 800,0 հազար դրամ, որից սոցիալապես անապահով ընտանիքների հուղարկավորության նպաստերի համար 10 000,0 հազար դրամ, այլ նպաստների և ուսման վարձերի փոխհատուցման, Արցախյան պատերազմում զոհվածների ընտանիքներին դրամական աջակցության համար՝ 64 000,0 հազար դրամ, համայնքում բարեգործական հիմունքներով գործող կազմակերպություններին նվիրատվություն 1 800,0 հազար դրամ:

24. Պահուստային ֆոնդը 2025 թվականի համար նախատեսվում է 1 180 000,0 հազար դրամ, որից հատկացում բյուջեի ֆոնդային մաս՝ 900 000,0 հազար դրամ:

Մասիս համայնքի 2025 թվականի բյուջեի նախագիծը 2024 թվականի նոյեմբերի 21-ին ներկայացվել է հանրային քննարկման: Հանրային քննարկման հրապարակայնությունը, մատչելիությունը և թափանցիկությունն ապահովելու նպատակով հանրային քննարկման մասնակցության հրավերը հրապարակվել է Մասիս համայնքի պաշտոնական կայքում:

Այսպիսով, Մասիս համայնքի 2025 թվականի բյուջեի նախագիծն առաջարկվում է հաստատել:

- 1. Եկամուտների գծով՝ 7 536 205,0 հազար դրամ**
- 2. Ծախսերի մասով՝ 7 536 205,0 հազար դրամ**

ՄԱՍԻՍ ՀԱՄԱՅՆՔԻ ՂԵԿԱՎԱՐ՝



Դ. ՀԱՄԲԱՐՁՈՒՄՅԱՆ